

12. Go beaivváš ja gufihtar doallaba luomu

Hepsulihei!

Dál lea dálvi jođus.

Mas dieđát, ahte lea dálvi?
Dálvit lea juoiddá oalle uhcán, jos olláge.

Mii dálvit lea uhcán?
No, dálvit beaivváš ii báitte jur olláge dáppe Sámis. Ja dalle,
go manan Bealljeduoddarii,
ii beaivváš čuovgga unnánašge,
ii dihtto oktage beaivvášsuonjar mángga beaivái.


Dieđát sihkkarit,
mii áiggiid dalle lea,
go beaivváš ii oidno ja mun goarkņun Bealljeduoddarii?

Dalle leat dálvi ja skábma ja juovllat.
Juovllaid áigge beaivvášge doallá luomu!
Das diehtá, ahte lea dálvi bárrásiin.

Go beaivváščuovga ii oidno olláge,
ii liikkáge leat áibbas bihkkaseavdnjat.
Vilges muohtagovččas čeaská čuovgadabbon go muohtahis eana.
Ja áimmus leat earáge čuovgagáldut dalle,
go beaivváš ii dihtto.
Muhto dat čuovggat eai ligge nugo beaivváš,
muhto addet vehá čuovgga.
Almmi láđasmánnu báitá orbbasin dahje seakka mánočalbmin
dahje mannolahkkin állut goappánu guvlui.

Geahčamat,
gosa guvlui dat lea állut odne?
Juovllaid áigge mánnu guolbmá,
muhto ii leat goittotge láđasmánnu.

Juovllaid áigge manan nappo Bealljeduoddarii.
Bealljeduottar lea dáppe Urho Kekkonen álbmotmeahcis,
gos munge ásan.



Bealljeduottar lea alla duottar,
man alázis eai šatta muorat olláge,
muhto vuollelebbos vilttiin ja birra šaddet olu guosat.
Bealljeduottar lea kánske ožžon namas das,
ahte guhkin geahčadettiin orru nugo almmiravdda vuostá čuollájit guokte
bealji.

Eai dakkár smávva ja finna, nugo du bealjit leat.
Eaige dakkár uldda bealjit.
Muhto Bealljeduoddara hápmi guhkin geahčadettin čájeha beatnaga,
loddebeatnaga, ceakkobealji bealljin

Go oalle dárkilit geahčat,
de fuobmát,
ahte Bealljeduoddaris leat oktiibuot golbma bealji dahjege aláža.

Bealljeduoddarii manan juovllaide dieđusge dan dihtii,
go juovlastállu oroda doppe.
Nubbi sivva lea dat,
ahte Bealljeduoddara birra šaddet valjis guosat,
seakkaoavssat, guhkes guosat.
Doppe leat nappo duohta olu juovlaguosat!
Juovlajja goittotge mu čalmmit áicet,
mo juohke guosa gierragii seaivu almmi násttáš.

Buorit juovllat!

Elska

Gufihttara dehálaš áššiid merkii dása báhpárii Kristiina Aikio. Jorgalus Pentti Pieski.

Juovlabudaldeamoš

Sárggo gova,

- mas oidno Bealljeduottar, man alázis eai šatta muorat olláge
- sárggo duoddara birra mánga seakkaoavssat guosa
- sárggo juohke guosa gierragii násttáža
- albmái sáhtát sárgut maiddáí mánu

